



Chistiona su Sardu!

Letzione N.5

Ite istùdias?

Su verbu àere

I singulare	<i>apo</i>
II singulare	<i>as</i>
III singulare	<i>at</i>
I plurale	<i>amus</i>
II plurale	<i>ais</i>
III plurale	<i>ant</i>

Su verbu àere tenet funtzione de ausiliare e in sa parte setentrionale de s'ìsula inditat possessu. In s'ala tzentru-meridionale imbetzes pro inditare possessu s'impreat su verbu tènnere:

Apo una domo in mare/Tèngio una domo in mare

Pro su chi pertocat su possessu b'at de ammentare chi si su possessu est temporàneu si usat su verbu giùghere:

*Apo milli èuros in banca
Oe giugo deghe èuros in butzaca*

Su complementu partitivu

Inditat una totalidade chi si nde cunsiderat una parte ebbia. Est introduidu dae sas prepositziones de, intre/tra.

*Apo comporadu duas dosinas **de** oos*

Opuru podet impreare su pronùmene partitivu nde

Nd'apo comporadu duas dosinas

Sos sustantivos colletivos

Su plurale de animales piticos, de frùtora e de berdura abarrat invariadu.

S'agetivu cualificativu

Est s'agetivu inditat sa calidade de su nùmene. Andat semper a pustis de su nùmene francu casi casu particolare. B'at agetivos chi podent èssere impreados siat in positzione pronominale siat in positzione postnominale

Est un'òmine sàbiu
Est una bella pitzinna

B'at agetivos chi podent èssere impreados siat in positzione pronominale siat in positzione postnominale

Est de genia diferente
Est de diferente genia

S'agetivu dimustrativu

Espressat una relatzione ispatziale intre su chi faeddat, su chi ascurtat e s'ogetu de s'allega

custu/e,a

custos/as

cussu/e,a

cussos/as

cuddu/e,a

cuddos/as

Custe, cusse e cudde si podent impreare petzi in riferimentu a persone

Relatzione ispatziale:

custu: a curtzu de chie faeddat

cussu: a tesu dae chie faeddat e a curtzu de chie ascurtat

cuddu: a tesu dae chie faeddat e dae chie ascurtat

Lèssicu

Iscola e trastos

pinna, pabiru, bancu, cadrea, càtedra, àula, iscola, àula magna, lavagna, projetore

Sos colores

biancu, nieddu, ruju, grogu, biaitu, birde, colore de rosa, colore de chelu, colore de terra, colore de aràngiu, colore de chinisu